



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Laicus in proximorum salute procuranda summo studio elaborat.

urn:nbn:de:hbz:466:1-43172

ei cœnæ vel bina oua mollia, siue forbilia, vel olera, vel demum legumina, omnia sale, acetoque condita; plura autem fercula sibi in eadem mensa apponi haud quaquam permittebat; carnem rarò obsonij loco adhibuit: nulli vnquam ferculo, quamuis per totum triduum ieiunus, arrisit; lactis, & quæ lacte cōficiuntur nihil, quoad vixit, gustauit; pisciculis rarius vessebatur; pulte abstinebat.

Iesu Christi anno Pauli III. Pap. anno. Ætatis anno.
1538. 39. 40. 41. 4. 5. 6. 7. 8. 9. 24. 25. 26. 27.
42. 43. 28. 29.

Laicus in proximorum salute procuranda summo studio elaborat.

*Egregiè
operā na-
uauit his
annis pro-
ximorum
saluti.*

LAicus admirabilem in terris vitam ducebat; videres. n. in eo incredibilem caducarum rerum omnium contemptum, summam animi demissionem, vehemens orandi studium, miram ciborum parsimoniam, amorem in Deum maximū.

Ad

Ad Christianæ perfectionis culmen vbi his gradibus ascendit, ad proximos adiuuandos, anno huius sæculi circiter trigesimo octauo, euocari se sensit. Decebat enim, vt id lumen non sub modio amplius, sed super candelabrum Ecclesiæ poneretur, quo ijs, qui in domibus Dei sunt, luceret.

Ibat diebus singulis in eum Urbis locum, quem Florentini mercatores incolunt, vbi sermonibus de rebus piis ita iuuenum animos ad sectandas virtutes incitabat, vt illorum complures ad pietatem amplectendam conuerterit. Eodem itidem consilio scholas frequentare consueuerat.

Illud vero summæ Philippo cure erat, vt in facinorosissimi cuiusque amicitiam sese insinuaret, arbitratu nimirum, vt quisque maximè opis indiget, ita ei potissimum opitulari. Nec sanè frustra id erat; quādoquidem multos, Deo bene iuuā-

a Sancti
Siri & ca-
stimoniam
seruarent,
feminarū
colloquia,
congressus
que quod
poterant
deuitabāt.
legantur
res gesta S.
Bernardi-
ni Senen.
apud Sur.
tom. 3.

te, è corruptis moribus, ad emenda-
torem vitam traduxit. Nec deerant
qui tantam Philippi sanctimoniam
mirarentur, vt qui cum flagitiosissi-
mis hominibus tā familiariter, nul-
lo sui malo, atque maximo illorum
emolumento versaretur. A femina-
rum verò consuetudine, suæ ca-
stimoniæ insidias, ^a abstinuit.

Homines quot plures poterat
Christo adiungere nitebatur; tot
enim, tantosq; sermonibus simul de
rebus diuinis, simul sanctimonix, ac
frugalitatis exemplo, vt se variis Re-
ligiosorum familiis addicerent, im-
pulsit; vt Beatus Ignatius Societ. Ie-
su institutor, & auctor Philippum
Patrem campanæ, seu tintinnabuli
vocabulo comiter insigniret, vtpo-
tè qui alios ad Religiosorū familias
cum mitteret, ipse in sæculo perma-
neret. Quod tamen diuinitus fa-
ctum esse nemo est qui ambigat:
Nameius opera (vt res ipsa indi-
cavit) vti volebat Dominus ad no-

uam

uam instituendam vitæ rationem, toti Ecclesiæ, mortaliumque saluti proficuum. Ex quo quidem instituto, quod in hanc diem certissimo cū fructu retinetur, homines, cū sanctitate, tum doctrina insignes euaserunt.

Hoc verò non silendum, ea fuisse B. Ignatium sanctimonia, à Philippo dici solitum, ut animi eius interior pulchritudo foris promicaret, in cuius oculis, vultuq; coruscantes lucis radios sæpe à se visos esse profiteretur.

Novis à diabolo tentationibus premitur.

QUODAM die cū per Amphitheatrum ab Imperatoribus Flaviæ gentis constructum, hodie Coliseum vulgus appellat, iter haberet, animo Lateranensem Basilicam inuisendi, dæmonem pauperis forma nudo corpore obuium habuit, quo viso, cum impuræ quædam cogitationes eius animū subiissent,

ipso